



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Margarita Evangelica**

**Essche, Nicolas van**

**Coloniae, 1545**

De vera contemplatione. 22

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

### LIBER III.

sua perferret. ¶ Ad Primam autem ad ecclesi-  
am properabat, non quidem in turbarum medio  
sive populi frequentia, sed seorsum in angulo quo-  
dam ibi existens. Quæ etiã in via nusquam mo-  
ras trahebat, sed festinanter cum submisso capi-  
te & oculis gradiebatur. Porro, in tēplo ad pran-  
dium vsque cum extenso ad æternitatem animo  
perseuerabat, meditans ibidem præcepta & con-  
silia filij sui. Cor autem ipsius in contemplando  
supra omnem rationem constituebatur, & in o-  
mnibus viribus suis illuminabatur. Etenim me-  
moriam ipsius in quodam simplici lumine confi-  
sabat, eleuata supra omnes sensuales incidenti-  
as, posita & stabilita in spiritus vnitatem. Intelle-  
ctus eius claritate perfundebatur, in qua omnes  
virtutes, omnes exercitiorum modos & abdita  
scripturarum distincte intelligebat, agnoscebat-  
que. Denique voluntas eius cum toto corde in  
tranquillo amore in quendam omnis creaturei-  
tatis excessum mergebatur. Atque tali modo di-  
uinas inspirationes velut in silentio quodam per-  
cipiebat, eiusque spiritus superessentiali fonte il-  
lo ultra omnia in Deo perfuebatur ac perfunde-  
batur: sicque seipsum per quendam amoris am-  
plexum in vasta illa solitudine amittebat, & cū  
diuinitate sine medio vniebat, quatenus vnum  
cum spiritu diuino existeret. Et hæc ipsa vnio, a-  
lia dona omnia, & omnem creatam gratiam &  
lucem excedebat.

De vera contemplatione.

Cap. XXII.

BB v Porro,



MARGARITAE EVANG.

**P**orro, vt exemplo tantę virginis ad veram  
contemplationem perueniamus, tria nobis  
omnino necessaria sunt: Primum est, vt si-  
mus bene in omnibus ordinari intus exteriusq̃,  
et tam expediti ac nudi ab omni externo opere,  
quasi nunquam illud intuiti essemus. Non enim  
æternam lucem contemplari poterit, qui interi-  
us depictus, aut sponte alienis est occupatus. Se-  
cundum est, vt a nouo cum intentionis & amo-  
ris applicatione Deo nostro instar tædæ alicui-  
us ardentis (quam nihil in tempore valeat ex-  
tinguere) adhæreamus. Tertium est, quod nosi-  
psos in quadam caligine (in qua omnes contem-  
platiui homines seipsos feliciter amiserūt) amitte-  
re debemus, ita vt nosipsos per modum crea-  
turæ nunquam in abyſſo caliginis illius inueni-  
re possimus. In qua nimirum caliginis nostri spi-  
ritus amor sibiipſi mortuus est, & diuina mani-  
festatio ac vita æterna inchoatur. Hanc caligi-  
nem Moyses intrare cogebatur, antequam De-  
us ei se manifeste exhiberet: sed & a populo &  
a fratre suo Aaron famulisque suis secedere, &  
quandam caliginem in ipſo montis vertice ipſum  
ingredi oportebat, vbi nimirum Deum facie ad  
faciem contemplabatur. ¶ Et quia tria hæc per-  
fectissime in gloriosa virgine erant, ideo & cō-  
templatio ipsius, quam alicuius vnquam pure  
creaturæ clarior ac sublimior fuit. Denique in ta-  
li sua deuotione & contemplatione caliginosa  
constituta, nihil ibi aliud, quam simplicem quan-  
dam lucem contemplabatur, in qua claritatem  
iſſam (quæ Deus ipſe est) & creata omnia sine di-  
ſtinctione simplici quã intuitu, lumē videlicet in  
lumine aspiciēbat. Atq; hæc æternæ lucis reuela-  
tio



LIBER III.

tio renouabat sine cessatione in ipsa in intimo  
 fundi sui, in suprema nobilitate spūs sui, & cōti-  
 nue cū ineffabili delectatiōe pdurabat. Sētiebat  
 nāq; in isto dulcissima virgo quendā excessum,  
 in iucprā beatitudinē, & Deū hic cū quodā eter-  
 no ac inseparabili amore diligebat. Porro, omnia  
 creata dona, & oēm creatureitatē, oīa q̄q; crea-  
 turalia opa & exercitia, hic infra sub isto modo  
 contēplationis subsistere oportebat: Ideoq; hic  
 a diuina claritate trāsformabat supra oēs imagi-  
 nes, & oēm rationē. Siquidē ea oīa hic cedere &  
 euanescere oportebat. Ipsa vero vnū cū ipso lu-  
 mine effecta, æternam imaginem suam hic in-  
 sequebat. ¶ Sed o Deus bone, quā absconditus  
 est modus iste a nobis, quā cæci sumus ad dicen-  
 dū, vel cogitandū aliqd de eo. Verūtamen, quis  
 explicare verbis possit, quantas gloriosa virgo  
 tā sublimiter supra oēm locū, & tēpus eleuata,  
 a Deo secretoꝝ reuelatiōes acceperit, quantave  
 delectatione repleta fuerit, videndo æternam il-  
 lam lucidissimam claritatem, rerumq; omnium  
 ideas, quæ ab æterno in Deo cognitæ sunt? Sane  
 si omnis pax & delectatio vnquam in hoc secu-  
 lo perceptę simul constatæ forent, in comparati-  
 one minime pacis illius, quā dignissima Dei mā-  
 ter in tali modo sentiebat, reuera non nisi ve-  
 rissima amaritudo comprobarentur. Etenim a-  
 byssalis illa essentia, a deo fundum & interiora,  
 cunctasq; vires ipsius perfluebat, q̄ nisi virtus  
 eam spiritus sancti (qui est ipse Deus) corrobo-  
 rasset, cor ipsius resolui oportuisset. Insuper re-  
 uerendissima virgo ista quendam supra omnes  
 homines ornatum habebat. Quamlibet enim  
 alte rapiebatur, non tamen idcirco minus  
alia



## MARGARITAE EVANG.

alia considerabat, nec se in exteriori homine equius observabat. Ornatum autem istum inde habebat, quia nullam originalis peccati maculam contraxerat. Denique, in tali abstractione cultui diuino in templo cum magna diligentia ac deuotione, idque in triplici modo, intererat. Primo namque praesens illic cum magna humilitate cordis & exterioris habitus sui, ac honesto apparatu aderat. Secundo, cum tanta reuerentia tantaque diligentia, ut nec semel respiceret, nec vllum saltem verbum cum aliquo loqui consentiret, sed diuinae semper venerationi intenderet. Tertio, cum tanto desiderio ac seriositate, ut vllum in diuino cultu & obsequio tedium vel minimum pateretur, sed ei interesse praeter omnibus quae in mundo sunt, delectabile ac desiderabile sibi erat.

### De amicorum Dei contemplatione, Cap. XXIII.

**N**otandum vero, quod sex sunt in quibus homines contemplatiui in sua se meditatione exercent. Primo namque creaturam ornatam ac pulchritudinem considerant, attendentes qualiter altissimus Deus in eis relucens, per earum decorem nobis velut annuat insinuetque, ut ipsum amare & laudare debeamus quippe qui propter nos omnia creauit ac fecit. Vnde sanctus asserit Augustinus: Coelum & terra & omnia quae in eis sunt, ecce vndique mihi dicunt ut te o Deus meus amem: nec cessant dicere omnibus, ut sint inexcusabiles. Secundo, meditantur, quam ordinate aeterna sapientia cuncta disposuit ac considerauit. Vnde Anselmus  
Quia